

განწყობაც სტრატეგიაა

დნეპროპეტროვსკი. “შეტეორის სტადიონი. 19 ივნისი.

“დნეპრი” (დნეპროპეტროვსკი)–“დინამო” (თბილისი) 4:1.

“დნეპრი”: კრაკოვსკი, ბაშკიროვი, კუტუზოვი, ჰუჩკოვი, ბაგმუტი, პავლოვი, კუზნეცოვი, ლიტოვჩენკო, სერებრიანსკი, პროტასოვი, ლიუტი.

“დინამო”: აბუსერიძე, მიქაბერიძე, ჩივაძე, პაიკიზე, არზიანი, კაკილაშვილი, სვანაძე, სულაქველიძე, გუცაევი, ჟორჟიკაშვილი, შენგელია.

24-ე წთ. სერებრიანსკი, 57-ე წთ. ლიუტი, 59-ე წთ. ლიუტი, 70-ე წთ. ჩივაძე, 88-ე წთ. ლიუტი.

63-ე წთ. ჟორჟიკაშვილის ნაცვლად – თევზაძე, 74-ე წთ. სულაქველიძის ნაცვლად – უვანია, 84-ე წთ. პავლოვის ნაცვლად – ჩილიბი, 87-ე წთ. კუზნეცოვის ნაცვლად – ჩერედნიკი.

მსაჯი: იური სავჩენკო (მოსკოვი).

კარში დარტყმა–13:10 (6:4), ზუსტი დარტყმა–8:2 (3:0).

საჯარიმო მოედნიდან–8:5 (4:2).

კუთხური–8:5 (2:2).

დაჯარიმდნენ დნეპროპეტროვსკელები–14 (11), თბილისელები–11 (7).

დუბლიორები–3:2.

ეს იყო თბილისის “დინამოს” ყველაზე სუსტი მატჩი წლევეანდელ სეზონში. რა თქმა უნდა, არა მხოლოდ დიდი ანგარიშით წაგების გამო. ახლა, რომ ავდგეთ და ვთქვათ, მასპინძლებმა სტუმრები ტექნიკურად დაჯახნესო, მართალი არ ვიქნებოდით, ძალაც და ენერჯიაც მატჩის ბოლომდე საკმაოდ შემორჩათ თბილისელებს. და მაინც, მთლიანად გუნდმა თუ კი საერთოდ დაიმსახურა შეფასება, მხოლოდ და მხოლოდ არადამაკმაყოფილებელი.

თბილისის “დინამო” რომ იოლად დასამარცხებელი გუნდი არ არის და მას უკვე ანგარიშს უწევნ ტიტულიანი მეტოქენიც კი, პირველი ორმოცდახუთი წუთის განმავლობაში თვითონ “დნეპრის” მოქმედებაშიც იგრძნობოდა. ჩემპიონმა საკმაოდ ფრთხილად დაიწყო თამაში და 24-ე წუთზე სტანდარტული სიტუაციიდან გატანილი გოლის შემდეგაც კი კარგა ხანს მორიდებით უტევდა სტუმართა კარს. გოლი კი თბილისელთათვის მართლაც დასანანი იყო – კუთხურიდან ჩამოწოდებული ბურთი უმეტვალყუროდ დარჩენილმა სერებრიანსკიმ დაუბრკოლებლად გაიტანა მარჯვენა დაბალ კუთხეში. თქმა არ უნდა, მასპინძელთა ეს სიტუაციილე მარტოოდენ “დინამოს” ძველი გამარჯვებებით არ იყო განპირობებული, “დნეპრის” მწვრთნელებმა უთუოდ თავადაც ნახეს და საკმაოდაც მოისმინეს თბილისელთა შესახებ, ესეც არ იყოს, პირველი ტაიმის მანძილზე უკრაინელი ფეხბურთელები ალბათ გრძნობდნენ კიდევ მეტოქის ძალას. სამწუხაროდ, თბილისელთა ეს შეძლება შეძლებადვე დარჩა და სხვანაირად ვერც მოხდებოდა, რადგან ფეხბურთელთა ნაწილს ეტყობა თავიდანვე არ სჭეროდა იმისა, რომ გაუმკლავდებოდა “დნეპრს”. ასეთი განწყობილება გადამდებია და მას შემდეგ, რაც ლიუტიმ მეორე გოლი გაიტანა თბილისელთა კარში, გუნდში ერთი ან ორი ფეხბურთელიდა იყო, მატჩის ხსნის იმედი რომ შერჩენოდა.

ამ, უფრო ფსიქოლოგიურ, ვიდრე წმინდა საფეხბურთო საკითხზე იმიტომ გავამახვილეთ ყურადღება, რომ წლეულს უკვე რამდენჯერმე მოგვიხდა მასზე შეჩერება. მარცხის შიში, განსაკუთრებით კი მეტოქის მინდვრებზე, იმდენად უარყოფითად მოქმედებს თბილისელებზე, რომ საეჭვოა ამ თამაშებიდან რაიმე სასიკეთო გამოდნეს, თუ რაღაც არ ვიღონეთ. კიდევ ერთხელ გავიმეორებ: გუნდი ნამდვილად არის საიმისოდ მომზადებული, რომ თამამად იბრძოლოს შინაც და სტუმრადაც. შიში ვერ იხსნისო. ხომ უთქვამს ბრძენკაცს და არცთუ ტყუილად.

დანიანურდა თუ არა ორი ბურთით, “დნეპრმა” უფრო გაბედულად შეუტია მეტოქეს. 59-ე წუთზე მასპინძლებმა თბილისელთა საჯარიმოში საკმაოდ დაუბრკოლებლად გაითამაშეს კომბინაცია, ლიუტის დამამთავრებელი დარტყმა ზუსტი გამოდგა – 3:0. მატჩის ბედი გადაწყვეტილი იყო და ამის შემდეგ მეტოქეთა მიერ გატანილ თითო გოლს უფრო ფორმალური ხასიათი ჰქონდა – არც “დნეპრის” კარში დანიშნულ პენალტს (ჩივაძე) და არც ლიუტის მესამე გოლს აღარაფრის შეცვლა აღარ შეეძლო.

ბუნებრივია, დამარცხებით, თუნდაც დიდი ანგარიშით, შესაძლოა, ნებისმიერი გუნდი დამარცხდეს, მაგრამ ამ საყვედურებით სავსე წერილში ალბათ მაინც იმის თქმაა მთავარი, რომ თვით ამ მარცხის გამომწვევი მიზეზი არ იქცეს ქრონიკულად. თბილისის “დინამოს” შეუძლია, ვალდებულებაც არის პირველი წრის დარჩენილ შეხვედრებში ყველაფერი ილონოს წვითა და დაგვით მოპოვებული პოზიციის შესანარჩუნებლად.

ირაკლი ბერიაშვილი.

“ლელო”, 20 ივნისი, 1984 წ.